

Аннотация: Мақолада мустақиллик йилларида юртимизда диний-маърифий соҳанинг ривожланиши, хусусан, диний таълим борасидаги ижобий ўзгаришлар ҳақида сўз боради. Ўзбекистонда исломшунослик мустақилликнинг дастлабки йилларида диниунослик мутахассислиги таркибида шаклана бошлади. Жумладан, 2000 йилда “Олий илмий ва илмий-педагогик кадрлар тайёрлаш рўйхати”га шарқшунослик фанлари доирасида “Диниунослик назарияси”, “Ислом тарихи ва манбаишунослиги”, “Ислом ҳуқуқи” ихтиносликлари киритилди. Бундан ташқари, кейинги йилларда исломшуносликка оид ўқув қўлланмаларнинг рус ва инглиз тилиларидаги таржималарига алоҳида эътибор берилмоқда.

Мақоланинг хулоса қисмида истиқболда исломшунослик соҳаси олдидағи долзарб бўлиб турган масала юртимиз олимларининг араб-форс, ва ўзбек тилидаги илмий-маънавий, диний-маърифий меросини илм-фан соҳаларининг турли йўналишларига етказиб берииш йўллари кўрсатиб ўтилган.

Калит сўзлар: диниунослик назарияси, Куръон, ислом ҳуқуқи, исломшунослик, тафсиршунослик, ҳадис.

Аннотация: В статье рассматривается развитие религиозно-образовательной сферы в нашей стране за годы независимости, в частности положительные изменения в религиозном образовании.

В первые годы независимости исламоведение в Узбекистане начало формироваться в сфере религиоведения. В частности, в 2000 году специальности «Теория религии», «Исламская история и источникование», «Исламское право» были включены в «Перечень подготовки высших научных и научно-педагогических кадров» в области востоковедения. Кроме того, в последние годы особое внимание уделяется переводу учебников по исламоведению на русский и английский языки.

В заключительной части статьи показаны актуальные вопросы, стоящие перед областью исламоведения в будущем, и пути доведения научного, духовно-религиозного и просветительского наследия узбекских ученых на арабском, персидском и узбекском языках до различных областей науки.

Ключевые слова: теория религии, Коран, исламское право, исламоведение, толкование, хадисы.

Abstract: The article discusses the development of the religious and educational sphere, in particular, positive changes in religious education in our country over the years of independence.

In the first years of independence, Islamic studies in Uzbekistan began to form within religious studies. In particular, in 2000, the specialties «Theory of Religion», «Islamic History and Source Studies», «Islamic Law» were included in the «List of training of higher scientific and scientific-pedagogical personnel» in the field of Oriental studies. In addition, in recent years, special attention has been paid to the translation of textbooks on Islamic studies into Russian and English.

The final part of the article shows the current issues facing the field of Islamic studies in the future and ways to bring the scientific, spiritual, religious, and educational heritage of Uzbek scientists in Arabic, Persian and Uzbek to various fields of science.

Key words: Theory of Religious studies, Qur'an, Islamic law, Islamic studies, Tafsir studies, Hadith.

зацияси” мавзулари, ислом тарихига оид манбалар, уларнинг турлари – Куръон, ҳадис, сийра, мақомот, табақот, шеърият ва ҳ.к., манбалардаги маълумотларнинг ишончлилик даражаси ва илмий аҳамияти, исломшунослик манбаларининг илмий таҳлили, ислом манбаларининг турли жанрлари бўйича каталогларини яратиш, манбалардаги маълумотларни баҳолаш мезонларини ишлаб чиқиш ва аниқлаш каби йўналишларни қамраб олган.

НАТИЖА

“Ислом ҳуқуқи” мутахассислиги фиқҳ – мусулмон ҳуқуқшунослиги, фикҳнинг ислом ҳуқуқшунослиги сифатида шаклланиши, мусулмон ҳуқуқшунослик мактабларининг пайдо бўлиши ва

ривожланиши, фикҳнинг шаклланиши, ҳуқукий масалаларни ечишда Куръон ва суннанинг асосий йўналишлари, аниқ ҳуқукий масалаларни ечиш концепцияси, методология ва тушунчаларнинг шаклланиши, фикҳ – ислом ҳуқуқшунослигининг назарий илоҳиёт билан муносабати, фикҳ мактабларининг ташкил топиши ва ривожланиши, турли мазҳаб вакилларининг фаолияти ва илмий-назарий мероси, фикҳ – турли ижтимоий жиҳатларни қамраб олган кенг маънодаги ислом ҳуқуқи сифатида, мусулмон ҳуқуқшунослири – фақих, муфтий меросларини ўрганиш, фикҳий қоидалар таснифи, фикҳнинг мусулмон давлатлар ҳуқуқий тизимида ва ҳозирги замондаги ўрни, фикҳ ва замонавий мафкура билан боғлиқ масалаларни тадқиқ этишга қаратилган.

Мазкур мутахассисликлар бўйича ўн йил давомида 30 дан ортиқ тадқиқотлар амалга оширилди. 2012 йилдан бу мутахассисликлар “Диншунослик, ислом тарихи ва манбашунослиги” номи билан аталиб, тарих фанлари доирасига киритилди. 2017 йилдан Ўзбекистонда диний-маърифий соҳада амалга оширилган кенг қамровли ислоҳотлар натижасида Ўзбекистон Республикаси Вазирлар Маҳкамаси хузуридаги Олий аттестация комиссиясининг 2017 йил 28 декабрдаги қарорига кўра 24 рақами билан янги исломшунослик фанлари жорий этилди. Унинг таркиби: 24.00.01 – Ислом тарихи ва манбашунослиги; 24.00.02 – Куръоншунослик. Ҳадисшунослик; 24.00.03 – Фиқх, калом илми. Илоҳиёт ихтисосликлари киритилди. Мазкур ихтисосликлардаги диссертацияларга исломшунослик фанлари бўйича илмий даражажасини кенгайтириш мақсадида йўналишлар бўйича тарих, фалсафа, филология фанлари илмий даражасини беришга руҳсат этилган. Ислом дини ва таълимотини янада чуқуррок ўрганиш, унинг жамият ҳаётидаги ўрнини асосли тадқиқ этиш, диний-маърифий ҳамда дунёвий соҳаларни чуқур англаб, таҳлил қила оладиган юксак малакали кадрларни тайёрлаш жараёнини жадаллаштириш мақсадида юқоридаги мутахассисликлар рўйхатига “Дин психологияси” ихтисослиги киритилиб, мазкур йўналишда докторантура очилди.

2018 йил Ўзбекистон Республикаси Президенти Шавкат Мирзиёев ташаббуси билан Ўзбекистон Республикаси Вазирлар Маҳкамаси қошидаги Тошкент ислом академиясининг очилиши исломшунослик билан боғлиқ соҳалар борасида туб бурилиш ясади. Фармонга мувофиқ, 2018 йил исломшунослик йўналишига 24.00.04 – Шарқ мумтоз адабиёти ва манбашунослиги ихтисослиги ҳам киритилди. Айнан шу ихтисосликлар бўйича академияда таянч докторантура ва докторантура очилди. Ушбу хайрли ишлардан кўзланган асосий мақсад келгусида, албатта, ўз даврида дунё илм – фани ривожига улкан хисса кўшган, юртимиз довруғини дунёга танитган “бухорийлар”, “термизийлар”, “замахшарийлар”, “марғинийлар”, “насафийлар” каби олиму фузалолар этишиб чикишидир. Мана шу эзгу ниятларни амалга ошириш мақсадида Академияда дунёвий

ва диний билимларни мукаммал эгаллаган, замонга ҳамнафас бўлиб, ўзининг билими ва иқтидори, хулқи ва одоби билан ажралиб турадиган баркамол ёшларни тарбиялаш ишига катта эътибор қаратилмоқда.

Академияда докторантлар, мустақил изланувчилар, ёш ўқитувчилардан шаклланган ёш олимлар кенгаши фаолият олиб боради. Айниқса, ёш олимлар кейинги йилларда республика миқёсида яхши натижаларга эришмоқдалар. Ҳозирда Академияда исломшунослик, диншунослик соҳаларини пухта эгаллаган ёш иқтидорли докторантлар, мустақил изланувчилар жамоаси шаклланиб улгурди. Бугунги кунда мазкур таълим муассасасида 80 дан ортиқ таянч докторант, докторант, мустақил ва стажёр тадқиқотчилар фаолият юритмоқда. Республикада диншунослик ҳамда исломшунослик соҳаларида амалга оширилган илмий тадқиқотларни мувофиқлаштириш, диссертациялар ҳимоясини амалга ошириш мақсадида Академияда Илмий кенгаш очилган. Ўтган қисқа муддат ичиде мазкур Илмий кенгашда 10 та фан доктори ва 30 дан ортиқ фалсафа доктори илмий даражаларини олиш учун ёзилган диссертациялар муваффакиятли ҳимоя қилинди. Соҳа бўйича илмий ўзгаришларнинг антиқа ўзига хослиги мавжуд. Илмий кенгаш тақдим этилган диссертацияларга фақатгина исломшунослик фанлари бўйича илмий даражажасини бериб қолмай, тадқиқот мавзусига қараб, тарих, фалсафа ҳамда филология фанлари бўйича ҳам илмий даражалар беради.

Исломшунослик ихтисослиги доирасида ислом тарихи, фалсафаси, хурфикрлилик, араб-мусулмон оламида Ўйғониш даври ва унинг цивилизация тарихида туттган ўрни, исломдаги фалсафий анъаналар, сўфийлик оқимлари, сўфий мутафаккирларнинг ҳаёти, ижоди ва қарашлари, тариқатлардаги умумийлик ва хослик, ислом хуқуқшунослиги, ханафийлик мазҳаби ва унинг манбалари, алломаларимизнинг ҳанафийликка оид асарлари, Қуръон ва унинг негизида диний-фалсафий фикрларнинг ривожланиши, илк ислом таълимоти, ислом ақидалари, калом илми мактаблари ва намояндлари, ислом илоҳиёти, Қуръон, ҳадис ва бошқа ислом манбаларининг филологик, тарихшунослик, матншунослик тадқиқоти каби йўналишлар билан боғлиқ муаммоларни ўрганиш назарда тутилади.

Амалга оширилаётган тадқиқотлар сирасида қуръоншунослик, тафсиршунослик алоҳида ўрин тутади. Ҳозирга қадар Қуръон матнининг ўзбек тилидаги қатор таржима ва тафсирлари амалга оширилди. Улар исломшунослик соҳаси ривожида ўзига хос аҳамиятга эга. Мазкур таржималарни манба сифатида қиёсий ўрганиш, таржима усулларини таҳлил қилиш, ўзбек тили лексикасининг диний матнлар мазмунини ёритиш имкониятлари, ўзига хослиги каби масалаларни ўрганиш ҳам манбашунослик соҳасидаги муҳим тадқиқотларга асос бўлади. “Куръони карим маъноларининг таржима ва тафсири”, “Абу-л-Лайс Самарқандийнинг Мовароуннаҳр тафсиршунослигига тутган ўрни”, “Абул Баракот Насафийнинг тафсири илмидан тутган ўрни”, “Куръони каримда Исо пайғамбар сиймоси”, «Абу Ҳафс Насафийнинг “Тайсир фи-тафсир” асарининг манбашунослик тадқиқи», “Мовароуннаҳр ҳанафий мазҳаби тафсирларининг қиёсий таҳлили (XIII–XV асрлар)”, «Абу Бакр Жассос “Ахком ал-Қуръон” тафсирининг ҳанафий мазҳаби ривожидаги аҳамияти» каби мавзулардаги ишлар Қуръон ва тафсирларни ўрганиш борасида амалга оширилган йирик фундаментал илмий тадқиқотлар саналади.

Ҳадис манбаларини илмий таҳлил қилиш ҳам исломшуносликнинг муҳим йўналишларидан бўлиб, соҳа бўйича чуқур илмий тадқиқотларни амалга ошириш имконияти мавжуд. Мана шу мақсадда Самарқандда Абу Мансур Мотуридий номидаги ҳадис илмий мактабининг очилиши соҳа ривожига, катта таъсир кўрсатади. Жумладан, ҳадисшунослик манбалари, ҳадис тўпламларидаги матнларни таҳлил қилиш, ҳадис маъноларини тўғри талқин қилиш ҳозирги кунда долзарблиқ касб этмоқда. Мазкур соҳада «Абдуллоҳ Субазмунийнинг “Кашфу-л-осор” асари ҳадис илмига оид манба», «Абу Ҳафс Насафийнинг “Китобу-л-қанд фи маърифат уламо Самарқанд” асари – Самарқандда ҳадис илми тарихи бўйича муҳим манба», «Ҳаким Термизийнинг “Наводиру-л-усул” асари ҳадис ва тасаввуф илмига оид муҳим манба», “Мовароуннаҳр ва Хуросон олимларининг ҳадис илми ривожига тутган ўрни (Бухорий, Муслим, Термизий)”, “Имом Доримиининг ҳадис илми ривожига қўшган ҳиссаси”, “Абдулҳамид Кеший илмий меросининг VIII–IX асрлар Мовароуннаҳр

ҳадис илми ривожига ўрни”, “Ҳадисларнинг диний ақидапарастликка қарши моҳияти” (А.Тожиев, 2019), «Имом Бухорийнинг “ат-Тарих ал-қабир” асари ҳадис илмига оид муҳим манба», “Имом Абу Ҳанифанинг ҳадис илми тараққиётида тутган ўрни” мавзуларидаги илмий тадқиқотлар амалга оширилди.

Исломшуносликка оид тадқиқотлар орасида ислом ҳуқуқшунослиги фиқҳ илмига бағишлиланган илмий изланишлар ҳам мавжуд. «Мовароуннаҳр фиқҳ илми ривожига Алоуддин Самарқандийнинг ўрни ва “Туҳфат ал-фуқаҳо” асарининг аҳамияти», «IX аср Мовароуннаҳр маданий ҳаётида Имом Бухорийнинг мавқеи ва унинг “Жомиу-с-саҳиҳ” асаридаги фиқҳий масалалар», “Маждууддин Уструшанийнинг Мовароуннаҳр фиқҳ илми тарихида тутган ўрни”, “Абу Зайд Дабусий меросининг Мовароуннаҳрда фиқҳ илми ривожига тутган ўрни”, «Бурҳонуддин Маҳмуд Бухорийнинг “Муҳит” асари ва унинг Мовароуннаҳр қозилигига тутган ўрни», “Ислом ҳуқуқшунослиги ва ҳанафий мазҳаби тараққиётида Ўрта Осиё факиҳларнинг ўрни”, «Лутфуллоҳ Насафийнинг “Фиқҳи Кайдоний” асари ва унга ёзилган шарҳ ва ҳошиялар таҳлили», «Бурҳониддин Марғинонийнинг “Ҳидоя” асари – муҳим ҳуқуқий манба», “Абу Ҳафс Кабир Бухорий ва ҳанафий фиқҳи”. «Алоуддин Бухорий “Хайрату-л-фуқаҳо” асарининг ислом манбашунослигига тутган ўрни», «Муҳаммад Кардариининг “ал-Жомиъ ал-важиз” асари ва унинг XIV–XV асрлар Мовароуннаҳр диний-ижтимоий ҳаётидаги ўрни» (Ҳ. Жўраев, 2020), “XIX–XX аср бошларида Тошкент қозихоналарида юритилган ижтимоий муносабатларга оид ҳужжатлар”, “X–XIII асрлар Мовароуннаҳр ҳанафий манбаларида вакф масалалари”, «Шамсу-л-айимма Сарахсийнинг “Мабсүт” асарида молиявий масалалар» мавзуларидаги диссертациялар ва улар асосида яратилган монографиялар соҳага оид муҳим тадқиқотлардан саналади.

Мустақиллик йилларида исломшуносликнинг алоҳида урғу берилаётган соҳаларидан яна бири ақида, калом илмiga бағишлиланган тадқиқотлар ҳисобланади. “Абул Муин Насафий ва унинг мотуридия таълимоти ривожига қўшган ҳиссаси”, «Абу Жаъфар Таҳовийнинг “Ақида” асари ва унинг шарҳлари – ҳанафийлик таълимотига оид манба», “Ислом фалсафасида гносеологик масалалар талқини (калом илми вакилларининг қарашлари

мисолида)”, «Абу Ҳафс Умар Насафийнинг “Ақоид” асари ва унинг шарҳлари таҳлили», “Абу-л-Муин Насафий илмий меросининг Мовароуннаҳр калом таълимоти ривожидаги аҳамияти”, “Саъдуддин Тафтазонийнинг темурйилар даври Мотуридия таълимоти ривожига қўшган хиссаси” мавзуларидаги тадқиқотлар мустақиллик меваларидандир (З. Исламов, 2021:28–36).

Исломшунослик бўйича яратилган тадқиқотларнинг маълум қисми ислом тарихининг турли жиҳатларига бағишлиланган. Жумладан, “Ҳанафий уламоларнинг Марказий Мовароуннаҳр шаҳарлари ҳаётида тутган ўрни ва роли (II–VII/VIII–XIII асрлар)”, “Илк ислом давлатчилиги ва унинг шаклланиш жараёнлари (632–661)”, “Шош воҳаси олимларининг ислом илмларида тутган ўрни (X–XII асрлар)”, “Миср мамлук сultonлиги ва унда ислом динининг тутган ўрни” (1250–1517), “VII–XII асрлар ислом тарихига оид манбаларда Мовароуннаҳр ва Яқин Шарқ элчилик алоқалари”, «Мовардийнинг “ал-Аҳқом ас-султонийя” асари – мусулмон Шарки давлат бошқаруви тарихига оид муҳим манба», «IX–XIV асрларда Марказий Осиёда ислом қадриятларининг миллий урф-одатлар билан уйғунлашуви (Абу Ҳанифага оид “Манокиб” ва “Муснад” асарлар асосида» (Р. Матибоева) каби илмий тадқиқотлар шулар жумласига киради.

Мустақиллик йилларида исломшуносликнинг муҳим соҳаси бўлган тасаввуф таълимотини ўрганишга бағишлиланган тадқиқотлар ҳам амалга оширилган. «Мавлоно Абдураҳмон Жомийнинг тасаввуфий-ирфоний қарашлари (“Шархи рубоиёт” асари асосида)», «Ал-Ҳаким ат-Термизийнинг “Наводир ал-усул” асари ҳадис ва тасаввуф илмига оид муҳим манба», «Рушдийнинг “Тазкирату-л авлиё” асари матнларининг шарқ агиографик манбаларини ўрганишдаги аҳамияти», «Тасаввуф таълимотида валийлик тушунчасининг диний-фалсафий талқини (Алишер Навоийнинг “Насойим ул-мухабbat” асари асосида)», “Тасаввуф таълимотининг тарихий-фалсафий моҳияти” каби илмий тадқиқотлар шулар жумласидандир.

Ўзбек мумтоз адабиёти намояндлари ва уларнинг асарларида диний мавзулар, диний лексиканинг қўлланиш усувлари ва кўлами, пайғамбарлар киссаларининг адабиётдаги инъикоси, динлараро тотувлик масаласи, тасаввуф ада-

биётининг типологик филологик қиёсий таҳлили каби мавзулар ҳам исломшуносликка оид муҳим тадқиқотлар сирасига киради. Мазкур йўналишда биргина Алишер Навоий илмий мероси юкоридаги муҳим тадқиқотларга асосий манба бўлиб хизмат қила олади. Жумладан, Алишер Навоийнинг “Ҳамса” асари таркибига кирган достонлардаги диний мотивлар, ислом, имон талқини, ҳамд ва наът ғазаллари, улардаги бадиий образларнинг таҳлили, тарихий мавзулар ўз тадқиқотчиларини кутмоқда. Мазкур йўналишда ҳозирда «Алишер Навоийнинг “Ҳайрату-л-аброр” достонидаги диний мотивлар», “Чархий туркий тафсирларининг таҳлили”, “Ўрта асрлар ислом балоғат илмида тилшуносликка оид қарашлар”, “Ислом даври шеъриятида аruz тизими ва унинг эволюцион тараққиёти”, «Қуръонда “Маъоний илми”нинг лингвопоэтик асослари» (Н. Мулласодикова, 2020), «Саккокийнинг “Мифтаҳу-л-улум” асарида наҳв ва сарф масалалари» мавзусидаги тадқиқотлар якунланган.

Шунингдек, ушбу йўналишдаги тадқиқотларга “Мусулмон мамлакатларидаги фатво марказлари ва уларнинг ўзига хос хусусиятлари” (Б. Мамадиев, 2019:42–47), “Ўзбекистонда диний бағрикенгликни мустаҳкамлаш омиллари ва муаммолари”, “Ислом фалсафасида диний ва дунёвий илмлар уйғунлиги масаласи”, “ЮНЕСКО фаолиятида диний бағрикенглик тамойиллари (Ўзбекистон Республикаси мисолида)”, “Сурхондарёдаги табаррук зиёратгоҳлар тарихи ва уларнинг аҳоли диний-маънавий ҳаётидаги ўрни”, “Диний қадриятлар ва тасвирий санъат интеграциясининг шахс маънавиятига таъсири”, “Кибермакон ва ислом билан боғлиқ диний-маънавий жараёнлар”, “Ахборотлашган жамият ижтимоий идентикилиги шаклланишида дин омили” мавзулари киради.

МУҲОКАМА

Олиб борилаётган тадқиқотларда дин хусусан ислом таълимотининг ҳозирги глобаллашув даври ҳаётидаги ўрни, унинг ёшлар, аҳоли қатламларини миллий-диний қадриятлар асосида тарбиялаш билан боғлиқ масалалар, дунёвийлик ва динийликни мўътадил шакллантириш йўллари ва омиллари каби янги мавзулар ёритилган.

Исломшунослик бўйича амалга оширилаётган тадқиқотлардан асосий мақсад ўсиб келаётган ёш авлод вакиллари, ўқувчи, талабаларда миллий ҳамда диний бағрикенглик маданиятини шакллантириш, уларда динлар хусусан, ислом таълимотининг маърифий асослари ҳақида маълумот бериш орқали мустаҳкам мағкуравий иммунитетни хосил қилиш ва мустаҳкамлаш каби ҳозирги даврнинг муҳим долзарб масалаларидан иборат. Маълумки, ушбу вазифаларни юқоридаги фанларга оид замонавий талабларга тўлиқ жавоб бера оладиган қўлланма ва дарсликларни яратмасдан амалга ошириш мумкин эмас. Шу мақсадда Ўзбекистон халқаро ислом академиясида “Исломшунослик” соҳаларига оид фанларни такомиллаштириш бўйича кенг қамровли дастурлар қабул қилинган ва ижроси амалга оширилмоқда.

Исломшунослик фанларини такомиллаштириш бўйича дастурга мувофиқ, соҳага оид 50 дан ортиқ “Ислом манбашунослиги”, “Тасаввуф”, “Куръоншунослик”, “Балоғат”, “Ҳадисшунослик”, “Корановедение”, “Суфизм”, “Ҳадисоведение”, “Исламское источниковедение”, “Мовароуннахр мутакаллимлари илмий мероси”, “Исломда қозилик маҳкамалари”, “Ислом фалсафаси”, “Ҳадис тўпламларининг қиёсий таҳлили”, “Қуръон қироати ва тажвид илми”, “Исломшунослик асослари”, “Ислом ҳуқуқига кириш”, “Манбашунослик”, “Калам (акаид)”, “Фиқх (фуруъ ва усул)”, “Мовароуннахр мутакаллимлари илмий мероси”, “Қуръон тафсирларини қиёсий ўрганиш”, “Эътиқод психологияси”, “Ислом цивилизацияси манбашунослиги ва тарихнавислиги”, “Марказий Осиё мутафакирлари илмий мероси” номли ўқув қўлланмалари, “Мотуридия таълимоти тарихи”, “Ислом манбашунослиги” номли дарсликлар тайёрланиб, дарс жараёнига татбиқ этилган. Ҳозир мавжуд ўқув қўлланмаларни дарсликларга айлантириш бўйича ишлар олиб борилмоқда.

Манбаларни холис илмий таҳлил қилиш асосида ёзилган мазкур дарслик ва қўлланмалар ўқувчи ва талабаларда том маънодаги бағрикенглик маданияти шаклланишига яқиндан хизмат қиласи. Шунингдек, кейинги йилларда исломшуносликка оид ўқув қўлланмаларининг рус ва инглиз тилларидаги таржималарига алоҳида эътибор берилмоқда.

ХУЛОСА

Сўнгги беш йил давомида муҳтарам юртбошимиз Шавкат Мирзиёев томонларидан миллий маданий мерос, алломаларимизнинг қўлёзма асарларини ўрганиш, уларнинг дунё фондларида сакланаётган нусхаларни аниқлаш ва она юртимизга қайтариб олиб келиш, исломшунослик соҳаларини илмий ривожлантириш ишига алоҳида эътибор берилмоқда. Ўзбекистон Республикаси Вазирлар Маҳкамаси ҳузурида Имом Бухорий халқаро илмий тадқиқот маркази, Ўзбекистондаги ислом цивилизацияси маркази, Имом Термизий халқаро илмий тадқиқот маркази, Имом Мотуридий халқаро илмий-тадқиқот маркази, Ўзбекистон халқаро ислом академияси, Мир Араб Олий мадрасаси каби халқаро аҳамиятга молик муҳим илмий даргоҳларнинг очилиши бунинг яқкол далилидир.

Истиқболда исломшунослик соҳаси олдида жуда кўплаб долзарб масалалар турибди. Жумладан, юртимиз олимларининг араб, форс-тожик, ўзбек тилидаги илмий-маънавий, диний-маърифий меросини илм-фан соҳаларининг турли йўналишларига татбиқ этиш мақсадга мувофиқдир. Алломаларимиз томонидан яратилган буюк меросни ўрганишни биринчи навбатда уларнинг қўлёзма нусхаларини аниқлаш, матнини қадимий манбалар асосида қиёсий ўрганиб, таянч матнларни белгилаш йўлида тадқиқотлар олиб бориш, илмий нуқтаи назардан мукаммал, халқаро меъёрларга мос келувчи асарларнинг яратилишга асос бўлади.

МАНБА ВА АДАБИЁТЛАР РЎЙХАТИ:

1. Тожиев А. Ҳадисларнинг диний ақидапарастликка қарши моҳияти. PhD дисс.автореф. – Тошкент, 2019. – 45 б.
2. Жўраев X. “Муҳаммад Кардариининг “ал-Жомиль ал-важиз” асари ва унинг XIV–XV асрлар Мовароуннахр диний-ижтимоий ҳаётидаги ўрни. PhD дисс.автореф.–Тошкент. 2020. –54 б.
3. Исломов З. “Ўзбекистонда мотуридийлик ақидасини ўрганишга оид илмий тадқиқотлар”//Мотуридийлик. – Тошкент. 2021. №1.
4. Матибоева Р. IX–XIV асрларда Марказий Осиёда ислом қадриятларининг миллий урф-одатлар билан уйғунлашуви (Абу Ҳанифага оид «Маноқиб» ва «Муснад» асарлари асосида).
5. Мулласодикова Н. Қуръонда “Маъоний илми”нинг лингвопоэтик асослари. PhD дисс.автореф. – Тошкент. 2020. – 46 б.

6. Мамадиев Б. Регулятивная роль фетв в мусульманских странах // Ислом зиёси. –Ташкент. 2019. –№1.
7. Обидов Р. “Қуръон ва тафсир илмлари” фани бўйича ўқув-услубий қўлланма / Масъул мухаррир З.Исломов. – Тошкент: Тошкент ислом университети нашриёт-матбаа бирлашмаси, 2003. – 28 б.
8. Жузжоний А. Марғиноний ва унинг издошлиари / Масъул мухаррир З. Исломов. – Тошкент: Тошкент ислом университети нашриёт-матбаа бирлашмаси, 2000. – 54 б.
9. Носирова М. Махмуд Замахшарийнинг “ал-Унмузаж фи-и-нахъ” рисоласи / Масъул мухаррир З.Исломов. – Тошкент: Тошкент давлат шарқшунослик институти нашриёти, 2005.– 189 б.
10. Мухамедов Н. Шош воҳаси олимларининг илмий-маънавий мероси / Масъул мухаррир З. Исломов. – Тошкент: Тошкент ислом университети нашриёт-матбаа бирлашмаси, 2007.
11. Уватов У. Ҳадис илмининг султони / Масъул мухаррир З. Исломов. Имом Бухорий халқаро маркази, 2009. – 95 б.
12. Раҳимжонов Д. Абу Ҳафс Насафий / Масъул мухаррир З. Исломов. –Тошкент: Тошкент ислом университети нашриёт-матбаа бирлашмаси, 2010. – 40 б.
13. Абдуллаев А. Абу Лайс Самарқандийнинг Мовароуннаҳр тафсиршунослигига тутган ўрни / Масъул мухаррир З. Исломов. –Тошкент. Мовароуннаҳр нашриёти, 2013. – 216 б.
14. Махсудов Д. Абулаҳан Абӯ Насафий ва унинг “Мадорик ат-танзил ва ҳақоик ат-таъвил” асари. / Масъул мухаррир З. Исломов. – Тошкент: Мовароуннаҳр нашриёти, 2014. – 198 б.
15. Бекмирзаев И. Мовароуннаҳрда қозилик ҳужжатлари: тарихий илдизлар ва таҳлилий ёндашувлар / Масъул мухаррир З. Исломов. – Тошкент: Тошкент ислом университети нашриёт-матбаа бирлашмаси, 2014. – 332 б.
16. Асророва Л. Абу Ҳафс Кабир Бухорий ва ҳанафий фикҳи / Масъул мухаррир З. Исломов. – Тошкент: Тошкент ислом университети нашриёт-матбаа бирлашмаси, 2014 – 280 б.
17. Абдуллаев А., Раҳимжонов Д., Зиёдов Ш. Тошкентдаги Усмон мұсҳафи. Монография / Масъул мухаррир З. Исломов. – Тошкент: Мовароуннаҳр нашриёти, 2015.
18. Ҳасанов Ҳ. Захириддин Мұхаммад Бобурнинг “Мұбайин” асари – адабий-диний манба / Масъул мухаррир З. Исломов. – Тошкент. 2015. – 90. б.
19. Юсупова Н. Мовароуннаҳр ҳанафий фақихлари асарларида оиласыви муносабатларни мустаҳкамлашга оид қарашларининг моҳияти. Монография.

